

APERET A PROJÈCTES DE SOSTIEN A LA TRANSMISSION E DE LA VALORIZACION DE LA LENGA NOSTA 2020

REGLAMENT

I. Contèxte e objectius de l'aperet a projèctes

Mercés a LA PASSEM 2020, 60 000 € que deverén estar crubats per la venta de quilomètres aus quaus que convien de hornir 5 000 € qui n'estón pas distribuïts en 2018.

Que son doncas 65 000 € que deverén estar tornar versats tà projèctes collectius tà la **transmission e la valorizacion de la lenga nosta**.

Aqueth aperet a projèctes qu'a per mira de :

- **facilitar l'emergéncia e/o l'experimentacion d'accions navèras, d'activitats qui responen a l'objectiu de transmèter la lenga nosta,**
- **sostièner lo desvelopament, l'estructuracion e la consolidacion de las accions en direccion de la transmission e/o de la valorizacion de la lenga,**
- **favorizar la mesa en hialat, valorizar e ahortir lo tribalh de partenariat, lo tribalh en comun deus diferents actors.**

La lenga nosta que deu tièner ua plaça preponderanta dens l'encastre deu projècte e non pas estar limitada a ua utilizacion simbolica.

II. Candidats autorizats a presentar un dossièr e beneficiaris deus projèctes

Los candidats autorizats que son las associacions depausadas e las enterpresas de but non lucratiu.

Los projèctes que deven beneficiar, au mensh, a la populacion qui demora en Biarn, Bigòra, Lanas e Baish-Ador.

Las associacions organizadas en federacion d'associacions qu'an de despausar un sol projècte per federacion departamentau.

III. Retirar e depausar un dossièr de candidatura

Lo portaire deu projècte que deu completar un dossièr de candidatura telecargader suu site internet de l'associacion LIGAMS (<http://lapassem.com>).

Tà aver un dossièr complet que cau :

- lo dossièr de candidatura "Aperet a projèctes de sostien a la transmission e de la valorizacion de la lenga nosta 2020" completat,
- un budget previsionau de l'accion establìt sus 12 mes maximum,
- los bilanç e compte de resultat de l'annada N-1, datats e signats per lo/la president·a o lo/la gerent·a,
- los estatuts de l'associacion, datats e signats per lo/la president·a o lo/la gerent·a,
- la copia deu rebut de la declaracion en prefectura,
- lo certificat d'inscripcion au repertòri deus establiments (SIRET),
- un relhevat d'identitat bancària de l'estructura,
- lo projècte d'establiment o lo projècte associatiu,
- un visuau (logo, imatge, afica...),
- tot document complementari qui permeti de valorizar l'accion e lo projècte de transmission de la lenga nosta.

Aqueth dossièr de candidatura que deverà har mensh de 8 paginas (shens los annèx). Que serà transmetut au mei tard lo **dimars 15 de seteme de 2020** :

- sii per corric a ligamsligams@gmail.com
- sii per corrièr a Associacion LIGAMS, 46 baloard Alsace Lorraine, 64 000 PAU

IV. Modalitats d'instruccion

1. Condicions d'eligitat

Las iniciativas que pòden concernir tots los domènis d'activitat e tots los publics qui an per objectiu e finalitat de transmèter e/o valorizar la lenga nosta. Aqueth aperet a projèctes qu'ei concebut com un utís d'amorsatge e de desenvolopament, que deu veicular un imatge positiu virat cap a l'avièner shens crear divisions.

La realitat de la transmission e/o de la valorizacion de la lenga nosta perpausada que serà analizada d'après critèris d'apreciacion ligats **au contèxte de l'iniciativa** (lòc, besonh/aspiracions socials, ciblas, vision de long tèrmi), **a la soa dinamica collectiva** (qualitat deus partenariats botats en òbra, ancratge territorial, participacion activa de las partidas prenentats de qui los beneficiaris, governança collectiva), **aus resultats esperats e aus sons impacts**.

Un grasilha de repèris dab 12 critèris, presentats a la fin d'aqueth reglament, que guidarà la lectura collectiva e la causida de las accions qui seràn perpausadas dens l'aperet a projèctes.

Qu'esperam donc ua presentacion precisa deu projècte, de las soas modalitats d'evaluacion e de las perspectives de desenvolopament.

Los projèctes qui non responen pas a las condicions d'eligitat que seràn deishats de costat.

2. Procèssus de seleccion de las candidaturas

Los dossièrs de candidatura que seràn tot prumèr analizats per un comitat de seleccion hèit de :

- 3 membres deu Conselh d'Administracion,
- 3 responsables de sector,
- 3 professionaus de la lenga,

tà verificar que responen a las condicions d'eligibilitat.

Los dossièrs pre-seleccionats que seràn publicats suu site de LIGAMS (www.lapassem.com) e sosmetuts a un vòte en linha, ubert a tots. Atau, lo projècte qui averà amassat mei de sufragis que serà retiengut.

Los autes projèctes que seràn causits per lo comitat de seleccion. L'assemblada generau de LIGAMS au mes de noveme 2020 qu'arrestarà la causida finau deus projèctes.

LIGAMS que desira ciblar la soa participacion e sostiénner vertadèrament los projèctes retienguts. Pr'amor d'açò, 2 a 10 projèctes maximum que seràn retienguts.

Lo comitat de seleccion que retienerà, **autant com se posca**, projèctes situats sus au mensh 4 zònas geograficas diferentas (en Biarn, Bigòra, Lanas e Baish-Ador) o projèctes de dimension territoriala.

3. Modalitats de l'ajuda

L'ajuda dada que serà de 50 % deu còst deu projècte au maximum.

Lo comitat de seleccion qu'apreciarà la destinacion de l'ajuda financiara demandada e que's reservarà la possibilitat de modificar l'assieta deu projècte.

Si lo budget deu projècte ne passa pas los 3 000 €, l'associacion LIGAMS que darà la subvencion totau au començar deu projècte atestat per deliberacion deu CA de l'organisme portaire deu projècte.

Si lo budget passa los 3 000 €, l'associacion LIGAMS que darà la moneda en dus còps :

- un purmèr pagament de 60 % de l'ajuda au mei lèu a comptar de la notificacion d'atribucion de la subvencion,
- lo pagament de la demora après transmission d'un bilanç finau de l'accion.

Si lo projècte n'ei pas estat realizat o si la soa realizacion ei tròp diferenta deu projècte iniciaument presentat, lo pagament de la sobra que serà reconsiderat. Que pòt quitament estar demandat la restitucion deu purmèr pagament.

Las somas non dadas o repesas que seràn reafectadas au pagament deus projèctes retienguts tà LA PASSEM ! a vièner.

Lo projècte qu'a d'estar realizat e la subvencion dada abans lo **31 de mai de 2022**.

L'associacion LIGAMS que comunicarà sus los projèctes elegits d'aqueth aperet a projèctes.

V. Contacte

Per tota informacion mei, contactar l'associacion LIGAMS per corric : ligamsligams@gmail.com

VI. Grasilha referéncia de caracterizacion de la transmission de la lenga nosta

FINALITAT

N° 1	Lo projècte e respon a un besonh suu territòri d'implantacion ? Aqueth besonh n'ei pas briga cobèrt o mau cobèrt suu territòri concernit ?
N° 2	Lo contèxte globau d'emergéncia deu projècte ei clarament explicat ?
N° 3	Lo projècte e respon a l'exigéncia de transmission e/o de valorizacion de la lenga ? Lo projècte de transmission/valorizacion ei clarament explicat ?
N° 4	Lo projècte e genèra d'autres efèits positius (impactes economics, enviroamentaus, societaus o sociaus) ?
N° 5	Lo projècte ei redigit en lenga nosta (grafia normalizada emplegada per l'Educacion Nacionau) ?

IMPLICACION DEUS ACTORS CONCERNITS PER LO BESONH

N° 6	Los beneficiaris mirats e las autas partidas prenentas, publicas e privadas, deu territòri d'implantacion e son implicats (dens l'identificacion deu besonh e/o dens la co-construcccion de la responsa e/o dens la mesa en òbra operacionau deu projècte) ?
N° 7	Partenariats e son mobilizats e desvelopats ?

NAUTATS, EXPERIMENTACIONS, DESVELOPAMENT

N° 8	Lo projècte ei ua responsa navèra o significativament distincta de las solucions disponiblas suu territòri d'implantacion ? Se s'inspira de projèctes qui existeishen sus d'autres territòris, e s'adapta aus besonhs ? O Lo projècte e permet d'estructurar accions qui existeishen e de las desvelopar ?
------	--

VISION ESTRATEGICA

N° 9	La pertinéncia de la responsa portada e l'impacte deu projècte sus lo besonh identificat e son evaluats (utís e indicators quantitativs e qualitativs) ?
N°10	Lo projècte e s'inscriu dens lo long tèrmi (qualitat deu plan d'accion, credibilitat de la proposicion, responsa duradissa a besonhs sociaus o societaus) ?
N°11	Lo modèle economic deu projècte ei vededer ?
N°12	Lo projècte a vocacion a cambiar d'escala e/o a inspirar projèctes navèths sus d'autres territòris ?